

## UGOVOR

Zaključen između slijedećih ugovornih strana

**1.KJP Centar "SKENDERIJA" d.o.o.** Sarajevo ul.Terezije bb. Sarajevo  
Kojeg zastupa direktor Prof.dr.Hajriz Bećirević  
IB: 4200736910008  
PDV:20073691008  
Transakcioni račun: 1610000050310052 otvoren kod Raiffeinsen banke  
(u daljem tekstu:"Naručilac")

**2. PROCESSCONTROL d.o.o Sarajevo**  
ulica Antuna Hangija 37, 71 000 Sarajevo,  
koga zastupa direktor Zijad Mustafić  
Reg.br. obaveznika PDV: 200320490000  
Transakcijski račun:1610000002100061 otvoren kod Raiffeisen banke i  
(u daljem tekstu:"Izvođač")

### I - Predmet Ugovora

#### Član 1.

Predmet ovog ugovora je nabavka i dogradnja postojećeg sistema automatske naplate parkinga, proizvođača Siemens-Desing, istih ili boljih kvaliteta na parkingu „Ekonomsko dvorište“ i parking „Jug“ KJP Centar „Skenderija“, za koje je proveden konkurentski postupak nabavke, a Izvršilac dostavio ponudu protokolisanu pod brojem: 125/16 od 11.01.2016 godine koja odgovara uslovima iz tenderske dokumentacije na osnovu koje je Izvršilac izabran odlukom broj 175/16 od 13.01.2016 godine, za nabavku i dogradnju postojećeg sistema automatske naplate parkinga, koja je predmet ovog ugovora.

Ponuda broj: 125/16 od 11.01.2016 godine je sastavni dio ovog Ugovora.

### II - Cijena radova

#### Član 2.

Ukupna vrijednost ovog Ugovora, prema specificiranim količinama i ugovorenim jediničnim cijenama bez PDV-a, iznosi: 64.994,00 KM  
(slovima: šesdesetčetirihiljadeidevestodevedesetčetiri KM)

Ukupna vrijednost ovog Ugovora,  
Sa uračunatim PDV-om od 17% iznosi 76.042,00,KM  
(slovima: sedamdesetšestihiladaičetredesetidvijeKM)

Ugovorna cijena formirana je kako je dato u članu 2. ovog Ugovora. Obračun radova će se vršiti prema građevinskoj knjizi za izvedene radove, a prema cijenama iz predračuna. Jedinične cijene iz ponude su fiksne i ne mogu se mijenjati u vremenskom intervalu (Ugovornom roku).

### III –Uslovi i način plaćanja

#### Član 3.

Naručilac će izvođaču uplatiti novčana sredstva iz člana 1 ovog ugovora na sledeći način:

- Po izvršenoj primopredaji predmetnih radova u 16 (šesnaest) jednakih mjesečnih rata. ( sa obavezom uplate rate do 10. u tekućem mjesecu)

Naručilac je dužan, po potpisu ugovora u roku od 15 dana dostaviti безусловnu bankovnu garanciju u iznosu od 76.042,00 KM sa rokom važenja od 15.04.2016. do 15.09.2017. godine, kao garancije za plaćanja.

U slučaju da Naručilac kasni sa uplatama bilo koje rate, sve rate dospjevaju na naplatu odmah.

### IV-Rokovi izrade

#### Član 4.

Izvršilac se obavezuje da će sa izvođenjem radova i doprema opreme iz člana 1. Ovog ugovora započeti nakon uvođenja u posao i da će iste završiti u roku od 45 (četrdesetpet) dana.U navedenom roku je obavezan napraviti zapisnik o primopredaji sistema u funkcionalnom stanju iz predmeta ovog ugovora

Ugovoreni gore naveden rok, produžava se samo u slučaju nastanka više sile, a za onoliko vremena koliko je trajao uticaj više sile.Izmjene obima posla ili eventualno naknadnih radova, bi se posebno konstatovalo kroz građevinski dnevnik.

#### Član 5.

O uvođenju Izvođača u posao sastavlja se poseban zapisnik i vrši upis u „Građevinski dnevnik“.

#### Član 6.

Ukoliko Izvođač ne izvrši ugovorene radove u roku iz člana 4 ovog ugovora,dužan je platiti Naručiocu na ime penala 2 %0 (dva promila) dnevno od ugovorene vrijednosti radova s tim da ukupan iznos penala ne može biti veći od 5 % od ukupno ugovorene vrijednosti radova.

### V-Trajanje ugovora

#### Član 7.

Ugovor se zaključuje na period od 20 mjeseci, počev od dana uvođenja Izvršioca u posao shodno članu 4 ovog Ugovora.

### VI- Obaveze Naručioca

#### Član 8.

Naručilac je posebno **obavezan**:

- da Izvođača nesmetano uvede u posao u u smislu odredbe člana 4 ovog ugovora.
- da osigura nadzor na izvođenjem radova i obezbjedi nadzor.
- omogući nesmetano korištenje energenata potrebnih za pojedine radove I probe prilikom izvođenja radova
- Da sačini zapisnik sa Izvođačem radova o primopredaji izvedenih radova I ugrađene opreme u funkcionalnom stanju.

## VII - Obaveze Izvođača

### Član 9.

Pored obaveza predviđenih opštim aktima, Izvođač je posebno obavezan:

- da dostavi dinamiku izvođenja radova
  - Dostaviti tehničku dokumentaciju
  - da radove na poslovima nabavka i dogradnja postojećeg sistema automatske naplate parkinga, za ekonomsko dvorište i parking „Jug“ KJP Centar Skenderija proizvođača Simens-Desing, Njemačka, izvede stručno, odnosno u skladu sa normativima i standardima koji važe za ovu vrstu radova.
  - da ugrađuje kvalitetan materijal i elemente koje odgovaraju standardima,
  - obezbjedi ateste proizvođača za ugrađenu opremu i zapisnički preda Naručiocu
  - da preuzme mjere za sigurnost objekta i radova, opreme, materijala, radnika, trećih lica i susjednih objekata,
  - da o svom trošku otkloni sve nedostatke prouzrokovane krivicom Izvođača,
  - da održava gradilište uredno, da ne nanosi štetu na drugom dijelu objekta, te da nadoknadi svu eventualno pričinjenu štetu ukoliko je prouzrokovana krivicom Izvođača,
  - Da tokom izvođenja radova ne ometa normalno funkcionisanje radova iz djelatnosti Naručioca
  - Je obavezan otkloniti uočene nedostatke tokom izvođenja radova i ugrađenje opreme koje konstatuje Nadzorni tim u građevinskom dnevniku
- Izvođač se obavezuje da će otkloniti sve nedostatke kod dogradnja postojećeg sistema automatske naplate parkinga, za ekonomsko dvorište i parking „Jug“ KJP Centar Skenderija proizvođača Simens-Desing, Njemačka, koji budu konstatirani od strane Nadzornog tima Naručioca a koje imaju karakter „ skrivene mane“ i nisu bili utvrđeni prilikom preuzimanja opreme.
- Izvođač je dužan da po završenim radovima objekat preda u čistom stanju bez ostataka materijala i otpada.

## VIII - Garancija

### član 10

Početak garantnog roka je datum zapisničke primopredaje izvedenih radova i ugrađene opreme i konstatacije da je sistem u funkcionalnom stanju.

Garancija se odnosi isključivo na uređaje/aparate koje montira/ postavi stručno lice Izvođača

Garancija pokriva orginalnu hardversku i softversku konfiguraciju opreme isporučenu od Izvođača.

Za period važenja garancije uslov za popravku opreme odnosno kvarova samo u slučaju da su nastali u propisanim uslovima eksploatacije, a u slučaju da se ustanovi da nije moguća popravka Izvođač će zamjeniti opremu.

Garancije ne važi u sljedećim slučajevima:

- Da je promjenjen naziv modela i / ili serijski broj proizvoda izbrisan, uklonjen ili nečitak
- Da se ne vrši periodično ( preventivno) održavanje i blagovremena popravka ili zamjena dijelova zbog normalnog habanja.
- Ako je šteta ili kvar nastao u slučaju nestručnog rukovanja uređajem i u slučaju da ga nije instalirao /montirao stručno lice.
- Ako je softver koji dolazi uz uređaj nepravilno instaliran i ako se zarazi virusom.
- Ako se uređaj ošteti zbog nedostatka u sistemu koji se zajedno sa uređajem

- koristi a koji nije izdat od strane izvođača.
- Ako je uređaj otvaran, pokušao da se popravi od lica koje nije ovlašten od strane Izvođača
  - Nesreću u smislu: bilo kojeg izvora vatre, poplave, strujnog udara ili visokog napona napajanja, udara groma, neadekvatne ventilacije, vibracije, prašine i ostalih ekstremnih faktora i uticaja.

#### Član 11

Izvođač je obavezan da za ugrađenu opremu obezbjedi servis, održavanje i eventualnu izmjenu neispravnih elemenata, koje pripadaju predmetnom sistemu. gratis 1 (jednu) godinu

#### Član 12.

Izvođač je obavezan da obezbjedi rezervne dijelove za ugrađenu opremu i sisteme minimalno 5 (pet) godina,

#### Član 13.

Izvođač je dužan u garantnom roku po pozivu Naručioca, bez prava na posebnu nadoknadu u roku od 3 sata od usmenog ili pismenog poziva Naručioca izvršiti popravku svih uočenih kvarova, nedostataka i poremećaja u radu i sl. pod uslovom urednog rukovanja i pravilnog održavanja instalisane opreme i uređaja.

### **IX - Predstavnici ugovorenih strana na objektu**

#### Član 14.

Naručioca će na objektu zastupati i predstavljati ovlašteni nadzorni tim, dok će Izvođača zastupati i predstavljati na objektu ovlašteni rukovodilac radova.

### **X - Naknadni radovi**

#### Član 15.

Nadzorni tim je ovlašten da izdaje nalog za izvođenej naknadnih radova.

### **XI - Knjiga i dnevnik građenja**

#### Član 16

Građevinski dnevnik se vodi u dva primjerka od kojih se jedan svakodnevno predaje Nadzornom timu, a drugi ostaje Izvođaču. Građevinska knjiga se vodi u dva primjerka. U dnevniku i građevinskoj knjizi, upisuju se podaci određeni zakonom i ovim Ugovorom.

### **XII – Prelazne i završne odredbe**

#### Član 17

Sve preporuke koji Naručilac dobije od Izvršioca u vezi sa rukovanjem uređaja, dužan je da poštuje. Ako se ustanovi da je kvar nastao usljed nestručnog rukovanja uređajem, kupac gubi pravo na garanciju.

#### Član 18.

Ugovorne strane na osnovu pismenog sporazuma, mogu raskinuti Ugovor, s tim što će se pitanje obračuna primo-predaje izvedenih radova, kao i druga pitanja oko građenja, rješavati u skladu sa zakonom i ovim ugovorom.

Član 19.

Naručilac može raskinuti Ugovor u slijedećim slučajevima:

- ako Izvođač ne izvede radove prema ugovorenoj dinamici, a do zakašnjenja nije došlo zbog nastanka vanrednih okolnosti,
- ako Izvođač izvodi radove nekvalitetno,
- ako poslije nastanka vanrednih okolnosti nije moguće nastaviti radove.
- U slučaju da se ne odazove na poziv Naručioca shodno članu 13 ovog Ugovora.


Član 20.

Sporovi koji nastaju iz ovog Ugovora, rješavat će se u prvom redu međusobnim sporazumom ugovorenih strana, a ukoliko se ne mogu riješiti mirnim putem, oštećena strana može ostvariti prava pred nadležnim Sudom u Sarajevu.

Član 21.


Ugovor je zaključen u 6 (šest) istovjetnih primjeraka, od kojih Investitoru pripadaju 4 (četiri), Izvođaču 2 (dva) primjerka i stupa na snagu danom potpisa ugovorenih strana.

Za Izvođača:  
Direktor

  
Zijad Mustafić



Za Naručioca:  
Direktor

  
Prof. dr. Hajriz Bećirević



Broj: 704-00502/16  
Sarajevo 05.02.2016

Broj: 241/16  
Sarajevo, 05.02.2016